



Qhov xav kom ua tau zoo thiab cov twj pab txhawb: Cuab lub zog rau koj tus me nyuam

High Expectations and Assistive Technology:
Empowering Your Child - Hmong version

Cov niam cov txiv thiab cov kws txuj pab cov me nyuam tseem yau muaj qhov tsis taus yuav ntsib tej kev ntxhov siab hauv lawv txoj kev los pab kom cov me nyuam ua tau mus. Qhov yuav ua kom txhob muaj tej kev ntxhov siab no, lawv yauv tsum muaj cov twj thiab kev qhia kom raug los pab kom cov me nyuam loj hlob thiab ua tau raws li qhov yuav ua tau. Daim ntawv muab tswv yim no yuav tshawb xyuas qhov cov twj Assistive Technology (AT) uas muaj cuab los pab kom tau ib tug me nyuam ua tau raws li qhov xav kom ua tau.

Muaj qhov xav kom ua tau (Having High Expectations)

Qhov cov niam txiv thiab cov kws txuj muaj qhov xav kom ua tau yog ib qho tseem ceeb heev. Peb muaj cuab kav siv cov twj AT los tshem tawm qhov tav kev thiab pab kom cov me nyuam ua tau lub neej li lawv yuav ua tau.

Muaj qhov xav kom ua tau txhais li cas rau koj tus me nyuam ua txiv

Ib qho tseem ceeb yog xav rau qhov zoo txog koj tus me nyuam cov kev txawj. Qhov no txhais tias cov kws qhia ntawv thiab cov niam txiv yuav tau nrhiav ib txoj hau kev los pab cov me nyuam qhia tawm qhov lawv paub los yog qhov lawv muaj cuab kav ua.



Ib leej niam quaj kiag thaum nws tus ntxhais ua tau ib yam tshiab thawj zaug. Nkawv mus saib Simon Technology Center mus tshawb xyuas seb puas muaj cov twj txhawb tau. Thaum sam sim tshawb xyuas, tus kws AT tab tom pab tsev neeg ntawd pom tias tus me ntxhais me me no muaj cuab kav tshais nws txais taw. Tus kws AT nqa tau ib qho khoom ua si thiab ib lub pob switch coj los teeb rau nws sim. Tus me ntxhais luag nyav thaum nws muab nws txhais taw txav mus kov tau ib qho khoom. Qhov xav kom ua tau thiab cov twj AT tau pab tshem tawm qhov tav kev thiab qhib tau lub qhov rooj mus rau qhov yuav ua tau.

Nov yog cov tswv yim los xam xyuas seb puas muaj cuab kav pab koj nrhiav qhov koj xav tau kom haum rau koj tus me nyuam:

- Xav, “Yog, nws yeej ua tau!” Txhob ntseeg tias nws tsis muaj cuab kav los yog yuav ua tsis tau ib yam dab tsi yog nws twb tsis muaj lub tsam thawj siv nws rab peev xwm los ua.
- Koom tes nrog li ib tug niam txiv yuav muab tau cov tsham thawj zoo thiab kev tiag taw rau cov me nyuam tseem yau los pab kom lawv txawj thiab loj hlob. Cov niam txiv yeej paub tob heev txog qhov lawv cov me nyuam txawj ua, rab peev xwm, thiab tus xeeb ceem, thiab xav siv cov lus hais no los pab tus me nyuam.

- Muab sij hawm rau tus me nyuam los kawm thiab siv cov twj AT los pab kom txawj. Tseem ceeb uas yuav tau muaj lub sij hawm thiab lub tsam thawj los txheeb xyuas seb qhov twj twg yog qhov tus me nyuam siv tau thiab kawm kom txawj siv tau qhov twj no.
- Qhib lub siab hlo los sim tej yam tshiab (xws li, ib lub tswv yim tshiab ntawm kev ua niam ua txiv los yog hom twj AT twg) rau lub caij npaj cia, thiab ntsuas qhov koj tus me nyuam ua tau.
- Mloog thaum lwm tus qhia lawv cov hom phiaj thiab qhov xav tau rau tus me nyuam.
- Xam xyuas qhov siv cov duab video los hais cov txuj tshiab tus me nyuam ua tau thiab kev ua tau nce qib. Qhov nov ua tau yooj yim heev thiab yog ib txoj hau kev los qhia thiab khaws qhov tus me nyuam siv tau cov twj AT.
- Xam xyuas tias cov twj AT yog ib qho yuav pab tau thaum tus me nyuam ua tsis tau ib yam dab tsi yooj yim. Cov twj AT muaj cuab kav txhawb kom nws muaj peev xwm ua los yog kawm tau ib yam dab tsi.

Cov twj pab txhawb (Assistive Technology): Cov twj siv rau lub tsham thawj (Tools of opportunity)

Muaj qhov xav kom ua tau rau cov me nyuam muaj qhov tsis taus mas tseem ceeb heev, tab sis qhov muab cov twj los pab kom lawv ua tau kuj tseem ceeb kawg li. Ntau zaus, cov twj AT muaj cuab kav ua tau cov twj pab rau tus me nyuam ua kom tiav ib tes dej num li qhov nws txawj thiab muaj peev xwm. Xam xyuas qhov hais piv txwv mus no:

- Ib tug me nyuam hluas muaj autism yuav tsis to taub cov lus qhia ua nws cov ntaub ntawv nyob hauv chav kawm tab sis nws muaj cuab kav raws qab ua tau tus kheej thaum muaj cov duab los qhia ua ib qho rau ib qho.
- Ib tug me nyuam tes txhav tsawv yuav nthuav tsis tau phau ntawv yooj yim, tab sis muaj cuab kav nyeem phau ntawv no nyob hauv computer thiab nthuav tau ib phab rau ib phab tus kheej thaum muaj lub pob uas siv tig tau mus los yooj yim.
- Ib tug me nyuam hluas uas hnav tsis tshua tau ris tsho muaj cuab kav hnav tau ris tsho txhij txhua thaum muaj lub khawm loj los tis txoj khawm swb thiab nyias khawm.

Tej no tsuas yog yam puav ntawm cov txuj uas cov twj AT muaj cuab kav pab tau xwv cov me nyuam thiaj ua tau raws li niam txiv qhov xav kom ua tau. Cov twj AT muaj ntau hom xws li cov hloov txuas (cov khawm tuav qhov khawm swb) mus rau cov twj zoo heev, (cov phau ntawv muaj nyob hauv computer). Thaum cov niam txiv thiab cov kws txuj kawm tau cov twj AT ntau lawm, lawv yuav pom tias cov twj no yuav txhawb tau thiab yuav qib tau lub qhov rooj rau cov me nyuam muaj qhov tsis taus.

Qhov xav kom ua tau zoo, nrog rau cov twj AT, muaj cuab kav muab tau txoj kev pab thiab cov twj los pab cov me nyuam kom txawj thiab loj hlob. Cov niam txiv thiab cov kws txuj muaj cuab kav ua cov los tsim kom muaj qhov xav kom ua tau thiab nrhiav tau cov twj AT kom raug raws li qhov cov me nyuam siv tau. Txawm yuav muaj ntau yam khuam txoj hau kev los, qhov ntsia pom cov me nyuam muaj qhov tsis taus ua tau ntau yam hauv lawv txoj kev loj hlob yeej yog qhov tsim nyog rau lub sij hawm thiab kev sib koom tes los pab lawm.